

2455-

ԲԱՄԲԱԿԱԳՈՐԾԱԿԱՆ ԸՆԿԵՐՈՒԹԻՒՆՆԵՐԻ

ՆՈՐՄԱԼ ԿԱՆՈՆԱԴՐՈՒԹԻՒՆԸ

Թարգմանեց Երկրագործութեան Դեպարտամենտի
բամբակաբուծութեան առաջ մասնագէտ՝ Տ. ԳԻԻԶԱԼԵԱՆ

13932

Թ Ի Ֆ Լ Ի Զ

Տպարան «ՊՐՕԴՐԷՍ» Լօրիս-Մելիքեան փողոց № 1.

1916

~~2455~~

13932

ԲԱՄԲԱԿԱԳՈՐԾԱԿԱՆ ԸՆԿԵՐՈՒԹԻՒՆՆԵՐԻ
ՆՈՐՄԱԼ ԿԱՆՈՆԱԴՐՈՒԹԻՒՆԸ

Թարգմանեց Ներազոռծութեան Դեպարտամենտի
բամբակաբուծութեան ստագ մասնագէտ՝ Տ. ԳԻԻԶԱԼԵԱՆ



Թ Ի Յ Լ Ի Զ
Տպարան «ՊՐՕԳՐԵՍ» Լօրիս-Մեխիքեան փողոց № 1,
1916

1916 թուի յունիսի 24-ին հաստա-
տել է Երկրագործութեան Պ. Մինիստրի
Օգնականի պաշտօնակատար իսկական
պետական խորհրդական՝ Ն. Վ. ԳՐՈՒ-
ԴԻՍՏՈՎ

Ճիշտ է՝ փոխդիրեկտորի տեղ՝
Մ. ՍՏՐԱՆՈՎՍԿԻՅԵ:

ԲԱՄԲԱԿԱԳՈՐԾԱԿԱՆ ԸՆԿԵՐՈՒԹԻՒՆՆԵՐԻ ՆՈՐՄԱԼ ԿԱՆՈՆԱ- ԴՐՈՒԹԻՒՆԸ

I. ԸՆԿԵՐՈՒԹԵԱՆ ՈՍԱՏԱԿՐ ԵՒ ՊՐԱ ԻՐԱԿԱՆԱԾՄԱՆ ՄԻ-
ջՈՑՆԵՐԸ. ԸՆԿԵՐՈՒԹԵԱՆ ԻՐԱՎՈՐՈՒՄՆԵՐ ԵՒ ՎԱՐՏԱՎՈՐՈՒ-
ՄԻՆՆԵՐԸ:

§ 1. Բամբակագործական Ընկերութեան (բամբակա-
բուծութեան Ընկերութեան) նպատակն է՝ նպաստել իր
գործունէութեան շրջանում բամբակաբուծութեան և բամ-
բակի արդիւնագործութեան զարգացմանը և կատարելա-
գործութեանը:

Ծանոթութիւն 1. Ընկերութեան հիմնադիրներն են
հետևեալ անձնաւորութիւնները՝

Ծանոթութիւն 2. Բամբակագործական Ընկերութեան
գործունէութիւնը տարածւում է

§ 2. Այդ նպատակներին հասնելու համար Ընկերութեանը թոյլատրուում է.

ա). Ուսումնասիրել բամբակագործութեան զանազան մասնաճիւղերի վիճակը և պարզել դրանց զարգացման և առաջագիւծութեան նպաստող բոլոր միջոցները:

Ծանօթութիւն. Այդ բանի համար Բամբակագործական Ընկերութիւնն իր կառավարչութեան վերաբերող հարցերը քննում է իր անդամների պարբերական ժողովներում և յատուկ կազմակերպուած յանձնաժողովներում. բացի դրանից՝ նախօրօք յայտնելով տեղական նահանգապետին՝ կազմակերպում է արշաւախմբեր և էկսկուրսիաներ՝ թէ իր անդամների բամբակագործական անտեսութիւնները զիտելու և թէ ընդհանրապէս բամբակագործութեան և բամբակի արդիւնագործութեան ասպարիզում գիւղատնտեսական հետախուզութիւններ կատարելու նպատակով:

բ). Հոգալ բամբակաբուծութեան ամենականոնաւոր եղանակները մշակելու մասին:

Ծանօթութիւն. Այդ նպատակի համար Ընկերութիւնը փորձով ստուգում է բամբակաբուծութեան մշակոյթի այն եղանակները, որոնք ընդունուած են թէ Ռուսաստանի և թէ արտասահմանի զանազան վայրերում՝ որպէս զի դրանցից տարածի այնպիսիները, որոնք օգտակար են տեղական երկրագործների համար, կազմակերպում է երկրագործական մեքենաների, գործիքների և լծասարքի մրցութիւններ, հիմնում է փորձնական կայարաններ, փորձադաշտեր և այլն, նպաստում է իր գործունէութեան շրջանի այդպիսի հիմնարկութիւններին՝ թէ նրանց, որոնք գոյութիւն ունեն և թէ նրանց, որոնք հիմնուելու են ապագայում:

գ). Օգտակար ցուցմունքներով և խորհուրդներով գիւղատնտեսներին նպաստել կանոնաւոր կերպով կազմակերպելու իրենց գիւղատնտեսական ձեռնարկութիւնները և միջնորդի դեր յանձն առնել գիւղատնտեսներին անհրաժեշտ առարկաներ հայթայթելու, նոյնպէս նրանց անտեսութեան արդիւնքը ծախսի հանելու, հիմնելով զրա համար տեղեկատու յանձնարարական բիւրօներ, երկրագործական պահեստներ և այլն:

Ծանօթութիւն. Գիւղատնտեսական գործիքների, մեքենաների, ինչպէս նաեւ սերմերի, արհեստական պարտանիւթերի և գիւղատնտեսական այլ պիտոյքների առ ու ծախսի համար Ընկերութեան հիմնած պահեստներն ուղղակի հարկերի կանոնադրութեան (Уст. прям. налог.) 371-րդ յօդուածի հիման վրայ ազատ են պետական արհեստագործական հարկից:

դ). Հրապարակական դասախօսութիւններ կազմակերպելով, իր աշխատասիրութիւնները տպագրելով և ցրելով՝ տնտեսական և գործնական տեղեկութիւններ տարածել բամբակաբուծութեան մասին, կազմակերպել ցուցահանդէսներ, աճուրդներ, ինչպէս նաեւ մեդալներ և պատուի այլ պարգևներ յատկացնելով՝ խրախուսել բամբակագործութեան ասպարիզում տեղի ունեցած աշխատութիւններն ու ծառայութիւնները:

Ծանօթութիւն. Հրապարակական դասախօսութիւններ, ցուցահանդէսներ, փորձնական կայարաններ և ուսումնարանական ազարակներ կազմակերպելու, նոյնպէս իր աշխատասիրութիւնները տպագրելու դէպքում Ընկերութիւնը ենթարկուում է այդ մասին գործող բոլոր որոշումներին և պէտք եղած դէպքում պարտաւոր է պահանջող թոյլտուութիւնը խնդրել: Ընկերութեան գրադարանը, եթէ հիմնուած չէ բացարձակապէս միայն Ընկերութեան անդամների հա-

մար, ենթարկւում է Բարձրագոյն հաստատուած 1884 թուի յունուարի 5-ի ժամանակաւոր կանոններին և ներքին Գործերի Մինիստրի ի լրացումն այդ կանոնների հասարակական գրադարաններ և ընթերցարաններ բանալու և պահելու վերաբերմամբ հրատարակած օրէնքներին և կարգադրութիւններին:

ե). Ուսումնասիրել և մշակել այն հարցերը, որոնք վերաբերում են ջրային անտեսութեան և բամբակաբուծութեան և բամբակի արդիւնագործութեան անտեսական մասին:

Ծանօթութիւն. Այդ նպատակով Ընկերութիւնը մշակում է տեղական բամբակագործութեանը վերաբերող ստատիստիկական-անտեսական տեղեկութիւնները (բամբակի բերքի և առուծախսի վերաբերեալ), մշակում է այն տեղեկութիւնները, որոնք վերաբերում են բամբակի և բամբակագործութեան այլ արդիւնքների համար տրուող վարկին, ինչպէս նաև մեյիօրատիւ և իպօտեկ վարկերին, բամբակի և նրա մշակման արդիւնքների փոխադրութեան տարիֆներին, բամբակի փոխադրութեան պայմաններին և արժէքին, բամբակի հարկին. մշակում է այն հարցերը, որոնք վերաբերում են աշխատաւոր ձեռքերին և երկրում աշխատաւոր ձեռքերի քանակութիւնը աւելացնելու միջոցներին. մշակում է որոշ բամբակագործական շրջանի անասունների կերին և ժողովրդի պարենաւորման գործին վերաբերող հարցերը, ինչպէս նաև բամբակագործութեան շրջանների հաղորդակցութեան ճանապարհների բարելաւման հարցերը:

զ). Պատշաճաւոր տեղական և պետական հիմնարկութիւններում միջնորդութիւններ յարուցել բամբակագոր-

ծութեան հետ կապ ունեցող այս կամ այն կարիքին բաւարարութիւն տալու նպատակով:

է). Իր եզրակացութիւնները յայտնել բամբակագործութեան վերաբերող այն հարցերի մասին, որոնք յարուցուած և յանձնարարուած են Ընկերութեան քննութեանը՝ տեղական, պետական և հասարակական հիմնարկութիւնների, ինչպէս և մասնաւոր անձանց կողմից:

ը). Իր ներկայացուցիչների միջոցով մասնակցել բամբակագործութեան վերաբերող հարցերի քննութեան համար գումարուած խորհրդածութիւններին և ժողովներին՝ վերջիններէս կողմից հրաւէր ստանալու դէպքում:

§ 3. Օրէնքում մատնանշած ամեն տեսակ եղանակով Ընկերութիւնն իրաւունք ունի ձեռք բերել իր նպատակների համար անհրաժեշտ շարժական և անշարժ գոյքեր, ծախել և գրաւ դնել անշարժ գոյքեր և արժէքաւոր թղթեր, պայմաններ կապել իր գործունէութեանը ենթակայ խնդիրների վերաբերեալ, պարտաւորութիւններ յանձն առնել՝ ի թիւս այլոց նաև դրամական և պահանջներ անել ու պատասխանել դատարանում ընդհանուր օրէնքների հիման վրայ:

Ծանօթութիւն 1. Այն դէպքում, երբ Ընկերութիւնը հողային գոյք է ձեռք բերում այնպիսի վայրում, ուր արգելուած է հրէական կամ օտարերկրացիական հողատիրութիւնը, Խորհրդի անդամների մեծամասնութիւնը, նոյնպէս արգելուած վայրերում գտնուող Ընկերութեան անշարժ գոյքերի հսկիչներն ու կառավարիչները չպէտք է լինեն այն անձնաւորութիւններից, որոնց համար հողատիրութիւնը այդ վայրերում արգելուած է:

Ծանօթութիւն 2. (Պարտադիր է այն ընկերութիւնների համար, որոնց գործունէութիւնը տարածւում է Օրէնքների ժողովածուի IX հատ. 330 յօդ.

2 նկատ. II յաւելուածում թուած կովկասեան երկրի վայրերում): Ընկերութեանը քաղաքներից և աւաններից գուրս՝ թէ իբր սեպհականութիւն և թէ ժամանակաւոր տիրապետութեան և շահագործման նպատակով անշարժ գոյք ձեռք բերելը թոյլատրուում է ոչ այլ կերպ, բայց եթէ իւրաքանչիւր անգամ քաղաքացիական իշխանութիւնից յատուկ թոյլտուութիւն ստանալով:

Ծանօթութիւն 3. (Պարտադիր է Թուրքեստանում կազմուող ընկերութիւններին համար): Ընկերութեանը՝ թէ որպէս սեպհականութիւն և թէ ժամանակաւոր տիրապետութեան և շահագործման նպատակով անշարժ գոյք ձեռք բերելը թոյլատրուում է ոչ այլ կերպ, բայց եթէ իւրաքանչիւր անգամ քաղաքացիական իշխանութիւնից յատուկ թոյլտուութիւն ստանալով:

§ 4. Ընկերութիւնը գտնուում է Երկրագործութեան Մինիստրութեան Երկրագործական Դեպարտամենտի հըսկողութեան ներքոյ, որին իւրաքանչիւր տարի հաշիւ է ներկայացնում իր գործունէութեան մասին: Այդ հաշուի մէջ՝ բացի Ընկերութեան տարեկան ընդհանուր գործունէութեան մասին տուած տեղեկութիւններից, պէտք է գետեղուած լինեն՝ 1) Ընկերութեան բոլոր անգամների և պաշտօն վարողների անուանական ցուցակը, 2) տեղեկութիւններ Ընկերութեան դրամագլուխների վիճակի և գումարների շրջանառութեան մասին և 3) տեղեկութիւններ Ընկերութեանը կից եղող հիմնարկութիւնների մասին:

§ 5. Իր գործունէութիւնը լայնացնելու դէպքում Ընկերութիւնը նահանգապետի թոյլտուութեամբ կարող է բանալ տեղական ճիւղեր: Տեղական ճիւղերը ոչ թէ ան-

կախ հիմնարկութիւններ են, այլ ամեն բանում ենթարկուած են Ընկերութեանը:

§ 6. Շրջանային Բամբակագործական Ընկերութիւնը զանազան հիմնարկութիւնների առջև յարուցած իր միջնորդութիւնների մասին տեղեկութիւն է տալիս Երկրագործական Դեպարտամենտին և ուղղակի Կենտրոնական Բամբակագործական Կոմիտեային՝ ներկայացնելով նրանց այդ միջնորդութիւնների պատճէները: Տեղական բամբակագործական ընկերութիւններն իրենց տարեկան հաշիւները ներկայացնում են ի տեղեկութիւն միաժամանակ թէ Երկրագործական Դեպարտամենտին և թէ Կենտրոնական Բամբակագործական Կոմիտեային:

§ 7. Ընկերութիւնն ունի կնիք իր անուան փորագրութեամբ:

§ 8. Ընկերութիւնն իրաւունք ունի միջնորդութիւն յարուցանել Երկրագործութեան Մինիստրութեան առջև պատուի պարգևներ յատկացնելու այն անձնաւորութիւններին, որոնք բամբակագործութեան զանազան մասնաճիւղերում առանձնապէս օգտակար գործունէութիւն են ցույց տուել:

§ 9. Ընկերութիւնը 1903 թ. հրատարակած Երկրագործութեան կանոնադրութեան (Уст. Сел. Хоз.) 42-րդ յօդ. հիման վրայ, Երկրագործութեան Մինիստրի թոյլտուութեամբ իրաւունք ունի իր նիստերի զահլիճում կախել իր այն անգամների կամ այն կողմակի անձանց պատկերները, որոնք իրենց գործերով առանձին օգուտ են բերել բամբակագործութեան:

II. Ընկերութեան կազմը

§ 10. Ընկերութիւնը բաղկացած է՝ պատուաւոր, իս-

կական, աշխատակից նոյնպէս և թղթակից անդամներից: Անդամների թիւը սահմանափակուած չէ:

§ 11. Ընկերութեան անդամ կարող են լինել, առանց կոշման կամ սեռի խտրութեան, այն ռուսահայատակ անձնաւորութիւնները, որոնք պարապում են տեսական կամ գործնական բամբակաբուծութեամբ, կամ որոնք զբաղուած են բամբակի, դրա սերմի, կամ դրա մշակումից ստացուող արգիւնքների առևտրով: Առևտրական և արգիւնաբերական հիմնարկութիւնները կարող են մտնել Ընկերութեան կազմի մէջ և մասնակցել նրա նիստերին իրենց ներկայացուցիչների միջոցով:

Ծանօթութիւն. Ընկերութեան անդամ չեն կարող լինել՝ անշափահասները (բացի աստիճանաւորներից), թէ պետական և թէ հասարակական հիմնարկութիւնների կամ մասնաւոր անձանց հաշուով պահուող միջին և ստորին կարգի զարդերի աշակերտները, իսկական ծառայութեան մէջ գտնուող ստորին կարգի զինուորականները, իւնկերները և զատարանական վճռով իրաւունքների սահմանափակման ենթարկուած անձնաւորութիւնները:

III. Անդամներ ընտրելու կարգը, նրանց իրաւունքները և պարտաւորութիւնները

§ 12. Տարեկան ընդհանուր ժողովում գաղտնի քուէարկութեամբ և ներկայ եղող անդամների ձայների երկու երրորդի մեծամասնութեամբ պատուաւոր անդամ են ընտրուում Խորհրդի կողմից առաջարկուած այն անձնաւորութիւնները, որոնք բամբակագործութեան ասպարիկում յայտնի են իրենց գործունէութեամբ, կամ որոնք առանձին ծառայութիւն են մատուցել Ընկերութեանը: Պատուաւոր անդամները՝ իսկական անդամի բոլոր իրա-

ւունքներից օգտուելով ազատ են անդամակցական պարտադիր տուրքը վճարելուց:

§ 13. Ընդհանուր ժողովի սովորական նիստերում Խորհրդի, պատուաւոր կամ իսկական անդամների առաջարկութեամբ, գաղտնի քուէարկութեամբ և ձայների հասարակ մեծամասնութեամբ իսկական անդամ են ընտրուում այն անձնաւորութիւնները կամ այն հիմնարկութիւնները, որոնք ցանկութիւն են յայտնել Ընկերութեան կազմի մէջ մտնել, համապատասխանում են § 11-ի պահանջներին և պարտաւորուում են վճարել Ընկերութեան օգտին կանոնադրութեամբ որոշած գումարը:

Ծանօթութիւն. Այն անձնաւորութիւնները, որոնք ստորագրել են այս կանոնադրութեան ծրագիրը, Ընկերութեան հիմնադիրների անուն են ստանում և առանց քուէարկութեան համարուում են իսկական անդամներ:

§ 14. Իւրաքանչիւր անդամ Ընկերութեան կազմի մէջ մտնելիս վճարում է միանուագ . . ըուբլի, այնուհետև ամեն տարի մինչև որոշուած ժամանակի լրանալը անդամները վճարում են . . ըուբլի, իսկ հիմնարկութիւնների ներկայացուցիչները . . ըուբլի: Այն անդամները, որոնք միանուագ վճարել են . . ըուբլի, ստանալով մըշտական իսկական անդամի կոչումը, ազատ են տարեկան տուրքից: Տարեկան տուրքը փոխարինել թոյլատրուում է և հիմնարկութիւններին, եթէ նրանք վճարում են միանուագ . . ըուբլի: Բոլոր տուրքերի քանակը ընդհանուր ժողովի որոշմամբ Ընկերութիւնը կարող է փոփոխութեան ենթարկել:

§ 15. Այն անդամը, որն Ընկերութեան արտօնած ժամանակի ընթացքում չի վճարել իր պարտադիր տուրքը, հաշուում է հեռացած Ընկերութիւնից. սակայն իր

պարտքը վճարելով՝ առանց քուէարկութեան նորից կարող է ընդունուել Ընկերութեան կազմի մէջ:

§ 16. Իսկական անդամի ընտրութեան եղանակով ընտրուում են իբրեւ աշխատակից և թղթակից անդամներ այն անձնաւորութիւնները, որոնք թէև Ընկերութեան գործունէութեան շրջանից դուրս են գտնուում, սակայն այս կամ այն հարցի քննութեան ժամանակ, իրենց ձեռնհաս մասնակցութեամբ կարող են օգտակար լինել Ընկերութեան: Նոյն պայմաններով կարող են ընտրուել նաեւ բամբակագործութեան ասպարիզում յայտնի օտարական բամբակագործները, որոնք կարող են նպաստել Ընկերութեան նպատակին նրա գործունէութեան վերաբերմամբ շահաւէտ տեղեկութիւններ տալով, կամ նրա յանձնարարութիւնները կատարելով: Թղթակից անդամները ազատ են Ընկերութեան օգտին որևէ սուրբ վճարելուց:

§ 17. Ընտրելիք թեկնածուների մասին պէտք է յայտնուի անդամներին ոչ ուշ քան երկու շաբաթ առաջ այն նիստից, որի ընթացքում պիտի կատարուի քուէարկութիւնը:

§ 18. Նորընտիր անդամը ստանում է Խորհրդից համապատասխան գրութիւն իր ընտրութեան մասին և դրա հետ միասին սոյն կանոնադրութեան մի օրինակը, կանոնադրութեան հիման վրայ Ընկերութեան հրատարակած կանոնները և Ընկերութեան անդամների ցանկը:

§ 19. Ընկերութեան բոլոր անդամներն իրաւունք ունեն մասնակցել նրա նիստերին՝ պատուաւոր և իսկական անդամները վճռական (իսկ թղթակից և աշխատակից անդամները իտրհրդակցական) ձայնի իրաւունքով, նրանք իրաւունք ունեն օգտուել Ընկերութեան միջնորդութեամբ՝ բամբակագործութեան վերաբերեալ հարցերի առիթով գանազան հիմնարկութիւնների և անձանց հետ յարաբերութիւնների մէջ մտնելու համար, նմանապէս իրաւունք

ունեն օգտուել Ընկերութեան կից եղած այն հաստատութիւններից, որոնք հիմնուած են Խորհրդի կազմած և Ժողովի հաւանութեանն արժանացած կանոնների հիման վրայ:

§ 20. Եթէ Ընկերութիւնն անհրաժեշտ է գտնում հեռացնել իր անդամներից որևէ մէկին, այդ դէպքում նա որոշում է կայացնում § 40-ում մասնանշած եղանակով:

IV. ԸՆԿԵՐՈՒԹԵԱՆ ԳՈՐԾԱՎԱՐՈՒՄԻՆ

§ 21. Ընկերութեան ընթացիկ գործերը վարում է Խորհուրդը: Խորհուրդն ընտրուում է ընդհանուր ժողովում Ընկերութեան պատուաւոր և իսկական անդամների միջից . . . տարով:

§ 22. Խորհուրդը բաղկացած է լինում՝ նախագահից (. . . փոխանդամներից), քարտուղարից, գանձապահից և անդամներից, որոնց թիւը որոշում է ինքն Ընկերութիւնը: Գանձապահի և քարտուղարի պաշտօնը կարելի է յանձնել Խորհրդի անդամներից որևէ մէկին: Խորհրդի մշտական բնակատեղին է

§ 23. Պաշտօնավար անձնաւորութիւններն ընտրուում են տարեկան ընդհանուր ժողովում . . . տարով գաղտնի քուէարկութեամբ ներկայ եղող ձայների հասարակ մեծամասնութեամբ. սակայն Խորհրդի կազմից նրանք հեռանում են ոչ միանուագ, այլ Ընկերութեան որոշած յաջորդականութեամբ (Խորհրդի անդամների հիւանդանալն ու տեղական բացակայութիւնն աչքի առաջ ունենալով՝ նոյն ժողովում . . . տարով ընտրուում են փոխանդամներ): Խորհրդի կազմից հեռացած անդամներն

իրենց համաձայնութեան դէպքում կարող են ընտրուել նորից:

Ծանօթութիւն: Իր կազմի մէջ տեղի ունեցած իւրաքանչիւր փոփոխութեան մասին Խորհուրդն անմիջապէս տեղեկութիւն է տալիս նահանգապետին և Երկրագործութեան Դեպարտամենտին:

§ 24. Ընկերութեան գործերի վերաբերեալ գրագրութիւնը կատարում է Ընկերութեան անունով նախագահի (կամ նրա օգնականներից որեւէ մէկի) ստորագրութեամբ և քարտուղարի հաստատութեամբ: Նախագահի բացակայութեան դէպքում թղթերը ստորագրում է նրան փոխարինող անձնաւորութիւնը:

§ 25. Խորհրդի նիստերը հրաւիրում են իւրաքանչիւր անհրաժեշտ դէպքում և համարում են կայացած, եթէ ներկայ են առնուազն . . . անդամ, ներկայ եղողների թւում հաշուելով և ատենապետին (նախագայողին): Խորհրդում հարցերը վճռում են ներկայ եղող ձայների հասարակ մեծամասնութեամբ: Ձայների հաւասարութեան դէպքում ատենապետի ձայնին առաւելութիւն է տրւում:

26. Խորհուրդն Ընկերութեան գործունէութեանը վերաբերուող իր կատարած բոլոր գործերի մասին ընդհանուր ժողովին հաշիւ է ներկայացնում. իսկ տարեկան ընդհանուր ժողովի համար բացի զրանից նա կազմում է մանրամասն հաշիւ Ընկերութեան տարեկան գործունէութեան, նրա ելեմէնտքի և նրա հաստատութիւնների ու ստացուացքի վիճակի մասին: Սրա հետ միասին Խորհուրդը ներկայացնում է այդ ժողովին յաջորդ տարուայ նախահաշիւը և Ընկերութեան ունենալիք գործունէութեան մասին իր նախագիծը:

§ 27. Խորհրդին թոյլատրւում է խորհրդակցական ձայնի իրաւունքով իր նիստերին հրաւիրել այն անձանց,

որոնք նրա քննութեանը դրած հարցերին մասնակցելով կարող են օգտակար լինել:

§ 28. Նախագահը նախագահում է Խորհրդի և Ընդհանուր ժողովների նիստերին, քննում է բոլոր ստացուած թղթերը, ստորագրում է Ընկերութեան կողմից գրուած թղթերը և հսկում է, որ կանոնադրութիւնը և ժողովների վճիռները անշեղ կերպով կատարուեն:

§ 29. Փոխ-նախագահը նախագահի բացակայութեան դէպքում կատարում է նրա բոլոր պարտականութիւնները, իսկ այդ երկուսի ժամանակաւոր բացակայութեան դէպքում Խորհուրդն իր նիստերը կառավարելու համար ընտրում է իր միջից որեւէ մէկին (եթէ կանոնադրութեան մէջ չէ նախատեսնուած փոխ-նախագահի պաշտօնը). նախագահի բացակայութեան դէպքում նրան փոխարինում է Խորհրդի անդամներից մէկը աւագութեան կարգով (աւագութիւնը հաշւում է անդամ ընտրուելու օրից):

§ 30. Քարտուղարը կազմում է Խորհրդի և Ընդհանուր ժողովի նիստերի արձանագրութիւնները, տարեկան հաշիւն ընկերութեան գործունէութեան մասին, պատրաստում է բոլոր գործերը Խորհրդի և Ընդհանուր ժողովի քննութեան համար, վարում է գրագրութիւնը և վաւերացնում է Ընկերութեան կողմից գրուող թղթերը: Քարտուղարը և գանձապահը կարող են ստանալ դրամական վարձատրութիւն, որի քանակը որոշում է ընդհանուր ժողովից:

Ծանօթութիւն. Ընկերութեան գործերին վերաբերուող բոլոր գրագրութիւնը, բոլոր յարաբերութիւնները և հաշուապահութիւնը Ռուսաստանի սահմաններից ներս կատարւում է ռուսերէն լեզուով: Ընկերութեան ներքին գործավարութեան վերաբերող բոլոր արձանագրութիւնները, մատեանները, վաւերաթղթերը և այլ գրութիւնները, որոնց հիման վրայ

կատարւում է պետական հիմնարկութիւնների և պաշտօնավար անձանց՝ Ընկերութեան գործերի հրահողութիւնը, պէտք է տարուեն ոռւսերէն լեզուով միևնոյն ժամանակ ոռւսերէն բնագրի հետ գոգընթացաբար թույլատրւում է այս թղթերը կազմել և այն լեզուով, որով խօսւում է տեղական ժողովուրդը:

§ 31. Գանձապահը ստանում է բոլոր դրամական մուտքերը և նախահաշուի ու խորհրդի որոշումների համաձայն կատարում է ծախսերը, պահում է նոյնպէս Ընկերութեան դրամարկիի և գոյքի ժապաւինեալ մատեանները՝ ստորագրած նախագահի, քարտուղարի և խորհրդի անդամների կողմից և դրոշմած Ընկերութեան կնիքով:

§ 32. Իւրաքանչիւր պատուաւոր և իսկական անդամ կարող է ներկայ լինել խորհրդի նիստերին, սակայն առանց ձայնի իրաւունքի:

§ 33. Ընդհանուր ժողովը կարող է քարտուղարի պարտականութիւնները դնել նաև Ընկերութեան անդամների կազմին չպատկանող կողմնակի անձնաւորութեան վրայ:

V. Ընդհանուր ժողովներ

§ 34. Ընկերութեան ընդհանուր ժողովները կարող են գումարուել այն վայրում, ուր գտնւում է Ընկերութեան խորհուրդը: Ընդհանուր ժողովները լինում են սովորական և տարեկան: Սովորական ժողովները գումարւում են կարիք եղած դէպքում (մի ամբողջ տարի առաջ խորհուրդը նախօրօք նշանակում է տարուայ համար առնուազն . . . նիստ) նոյնպէս և այն դէպքերում, երբ այդ պահանջում են՝ Վերաքննիչ յանձնաժողովը կամ Ընկերութեան անդամներից առնուազն . . . հոգի: Սովորական ընդհանուր ժողովին քննւում են՝ ընթացիկ գործերը և

ընդհանրապէս Ընկերութեան գործունէութեանը վերաբերող բոլոր հարցերը: Այդ ժողովներում են ընտրւում նաև իսկական աշխատակից և թղթակից անդամները:

Ծանօթութիւն. Ընկերութեան հիմնադրութիւնից յետոյ նրա հիմնադիր անդամները գումարում են առաջին ընդհանուր ժողովը, որը իր միջից նախագահ ընտրելով՝ ի ժողով կազմակերպում է Ընկերութիւնը, — որոշում է անդամավճարի քանակը, վճարելու ժամանակը և կարգը, փոխ-նախագահների թիւը, պաշտօնավար անձնաւորութիւնների պաշտօնավարութեան ժամանակամիջոցը, խորհրդի անդամների թիւը, նրա վճիռների օրինաւորութեան համար անհրաժեշտ համարուած ներկայ եղող անդամների թիւը, տարուայ ընթացքում տեղի ունենալիք ընդհանուր ժողովների պարտադիր քանակը. կատարում է նոյնպէս Ընկերութեան պաշտօնավար անձնաւորութիւնների ընտրութիւնը: Այս ժողովի որոշումները լիշտ հարցերի վերաբերմամբ կարելի է վերաքննել միայն Ընկերութեան տարեկան ժողովում: Ընկերութեան բացման, նոյնպէս պաշտօնավար անձնաւորութիւնների ընտրութեան մասին Ընկերութեան խորհուրդն անմիջապէս տեղեկութիւն է տալիս երկրագործութեան Դեպարտամենտին և տեղական նահանգապետին:

Ծանօթութիւն 2. Ընկերութեան ընդհանուր ժողովների ժամանակի, տեղի և զբաղմունքի առարկաների մասին նախօրօք տեղեկութիւն է տրւում բոլոր անդամներին, նոյնպէս տեղական ոստիկանութեան գլխաւորին. ըստ որում ժողովի քննութեան են դրւում միայն այն հարցերը, որոնք անմիջապէս վերաբերում են Ընկերութեան կանոնադրութեամբ

13932

որոշած գործունէութեան և որոնց մասին յայտնուած է ոստիկանութեան գլխաւորին:

§ 35. Տարեկան ընդհանուր ժողովի ժամանակ, որը գումարուում էամսին, կարգացում է Ընկերութեան գործունէութեան հաշիւը նախընթաց տարուայ մասին (վերաստուգող յանձնաժողովի ղեկավարութիւնները և խորհրդի բացատրութիւնները յիշատակելով), քննուում և հաստատուում է խորհրդի կազմած նախահաշիւը հետևեալ տարուայ մասին, նոյնպէս կատարուում է պաշտօնավար անձանց (և նրանց փոխանդամներին) և պատուաւոր անդամների ընտրութիւնը: Բացի դրանից տարեկան ընդհանուր ժողովում սոյն կանոնադրութեան պահանջները պահպանելու պայմանով կարող են վճռուել և բոլոր միւս դործերը:

§ 36. Տարեկան ընդհանուր ժողովը Ընկերութեան տարեկան հաշուի, զրամարկի՝ և գոյքի քննութեան համար ընտրուում է երեք անձից բաղկացած վերաստուգող յանձնաժողով այն պատուաւոր և իսկական անդամներից, որոնք չեն մտնում ոչ խորհրդի կազմի և ոչ նրանց փոխանդամների թուի մէջ: Վերաստուգող յանձնաժողովի եղբակացութիւնը ներկայացւում է քննութիւնից անմիջապէս յետոյ գումարուող ընդհանուր ժողովին:

§ 37. Թէ սովորական և թէ արտակարգ ընդհանուր ժողովների գումարումը կատարուում է անուանական ծանուցագրերով, որոնց մէջ նշանակուած պէտք է լինեն ժողովի քննութեանը դրուած բոլոր հարցերը:

§ 38. Ընդհանուր ժողովների օրինաւորութեան համար պահանջուում է ոչ պակաս, քան ապրող անդամների մի երրորդ մասը: Այն հարցերը, որոնք պէտք է քննուեն ընդհանուր ժողովներում, բացի § 40-ում մասնանշած հարցերից՝ վճռուում են ձայների հաւարակ մեծամասնութեամբ:

§ 39. Բաւարար քանակութեամբ անդամներ չգտու-

ղէպքում խորհուրդը, ոչ շուտ քան մի շաբաթ և ոչ ուշ քան մի ամիս յետոյ նոյն հարցերի քննութեան համար հրաւիրում է հետևեալ ընդհանուր ժողովը, որն օրինաւոր է համարուում անկախ ներկայ եղող անդամների թւից:

§ 40. 1) Ընկերութեան կանոնադրութիւնը փոփոխելու, 2) նոր հաստատութիւններ բանալու կամ հները փակելու, 3) պարտք անելու և անհրաժեշտ անշարժ կալուածք գնելու կամ ծախելու, 4) անդամներ հեռացնելու, 5) Ընկերութիւնը փակելու և 6) պատուաւոր անդամ ընտրելու համար պահանջուում է առաջին՝ որ նախօրօք (այսքան ժամանակ ընդհանուր ժողովից առաջ) ծանուցուի Ընկերութեան բոլոր անդամներին, երկրորդ՝ որ ժողովին ներկայ լինի Ընկերութեան անդամների առնուազն կէսը և վերջապէս՝ որ վճիռները կայանան ժողովի ներկայ եղող պատուաւոր և իսկական անդամների երկու երրորդի մեծամասնութեամբ: Ընդհանուր ժողովի որոշած փոփոխութիւնների նախագիծը նահանգապետի միջոցով ներկայացւում է երկրագործութեան մինխտրութեանը:

VI. Ընկերութեան միջոցները

§ 42. Ընկերութեան միջոցները կազմուում են՝ անդամակցական վճարներից, պետական և հասարակական հիմնարկութիւններից ստացուող նպաստներից, նուէրներից և այլ մուտքերից:

§ 42. Իր տուած պարտաթղթերի համար Ընկերութիւնը պատասխանատու է իրեն պատկանած ամբողջ գոյքով. սակայն այդ պատասխանատուութիւնը չէ տարածւում այն գումարների վրայ, որոնք կողմնակի մարդկանց կողմից դրուած են նրա տրամադրութեան տակ

որոշ նպատակի համար, ինչպէս նաև անդամների անձնական գոյքի վրայ:

§ 43. Երբ որոշում է կայանում Ընկերութիւնը փակելու, այդ գէպքում վերջին ընդհանուր ժողովը վճիռ է կայացնում այն մասին, թէ ինչպէս պէտք է գործադրուեն Ընկերութեան գումարներն ու գոյքը, պարտքերը վճարելուց յետոյ: Այդ որոշումը կարելի է իրագործել միայն Երկագործութեան Միջխտրութեան թոյլտուութեամբ: Ընկերութեան փակումը տեղի ունենալու մասին Խորհուրդը տեղեկացնում է նահանգապետին և յայտարարում է պաշտօնական թերթերում:

VII. Ընկերութեան փակումը

§ 44. Եթէ Ընկերութեան ընդհանուր ժողովների և Խորհրդի նիստերը չեն գումարւում մի տարուայ ընթացքում և այդ ժամանակը լրանալուց յետոյ իսկապէս պարզում է, որ § 43-ում մատնանշած եղանակով Ընկերութեան փակումը կայացնելու համար անհնար է համապատասխան ժողովներ գումարել, այդ գէպքում Ընկերութեան գործունէութիւնը իրապէս վերջացած է համարւում և զրա մասին նահանգապետն տեղեկութիւն է տալիս Երկագործութեան Միջխտրութեանը, իսկ Ընկերութեան մնացած գումարներն ու գոյքն անցնում են Երկագործութեան Միջխտրութեան տրամադրութեան տակ: Վերջինս տեղական նահանգապետի հետ համաձայնութեան գալով, Ընկերութեան բոլոր պարտաւորութիւններին բաւարարութիւն տալուց յետոյ՝ որոշում է մնացած գումարը համաձայն փակուած Ընկերութեան նպատակների՝ գործադրել տեղական զիւղատնտեսական կաբիքների համար:

§ 45. Ընկերութեան գործողութիւնների մէջ պետա-

կան կարգի և հաւարակական ապահովութեան և բարոյականութեան դէմ որևէ բան երևան հանելու գէպքում նահանգապետն իրաւունք ունի սեպհական իշխանութեամբ ընդհատել Ընկերութեան գործունէութիւնը: Միաժամանակ նա առաջադրութիւն է անում Երկագործութեան միջխտրին Ընկերութիւնը փակելու համար: Նախ քան Ընկերութեան փակման մասին հարց բարձրացնելը՝ նահանգապետն իրաւունք ունի քննութիւն բանալ նրա գործունէութեան մասին և հարկ համարուած գէպքում բեիզիայի ենթարկել Ընկերութեան գործավարութիւնը:

§ 46. Ընկերութեան գործունէութեան մէջ օրէնքից կամ կանոնադրութեամբ նրան վերագրած նպատակներից շեղումներ երևան հանելու գէպքում նահանգապետին թոյլատրւում է Ընկերութեանը առաջարկել իր նշանակած ժամանակի ընթացքում միջոցներ ձեռք առնել տեղի ունեցած անկանոնութիւնների առաջն առնելու համար:

§ 47. Այն գէպքերում, որոնք չեն նախատեսնուած այս կանոնադրութեանը մէջ, Ընկերութիւնը ղեկավարւում է իր գործունէութեան վերաբերող կանոններով, նոյնպէս թէ այժմ գործող և թէ ապագայում հրատարակուելիք օրէնքներով և կառավարչական կանոնադրութիւններով:



ՄՄ Հայագիտական գրադարան



MAL014356

